

san wolonwulanan - nimòrò 73
marisi kalo - san 1978

bp:24 - bamakò (mali)
telefòn : 22104 — ccp : 0155
dòròmè 4

kibarudilalaw kuntigi : amadù ganyi kanté

kibaru

a bè bò kalo o kalo, faso ka kibarudiso ka yamaruya kònò

faso ye n'wele

faso ye n'wele, ka n'to sunògò la,
n'senw ni n'bolow sirilen bè.
ko n'ka n'nyè yèlè,
ka yeelen di n'ma, ko n'ka bò dibi la,
ko n'ka n'faw ni n'baw ni n'kòrôw yòrò nyini.
ka juru bò n'senw na, ko n'ka taama, ka boli,
ka se kèlekèle kònò kan,
ka juru bò n'bolow la,
ko n'ka dabakala ni gafe ni kaalimukala ta.

dabakala, e min ye kòngò kèlebaga fòlò ye,
ne y'i ta tafènw cè rò, faso ka sôrô yiriwali kama.
gafe ni kaalimukala, aw min ye dònni yeelen ye,
aw min ye kalanbaliya dibi kèlebaga ye.

faso ko n'ma : n'k'i ta, ka n'faw ni
n'baw ni n'kòrôw sègèrè n'i ye, sènèkèbuguw la.
- n'bè taa, n'bè taa, faso,
i ye n'ci kalanbaliya ni kòngò kèleli la,
n'b'u kèle, k'u labò jamana kònò.

nfali kaloga
bamakò



nin kibaru kònòkow

nyè 2 ani nyè 3 :
kibaru kanubagaw kuma yòrò

nyè 4 ani nyè 5 :
nyinjuguya man nyi

nyè 6 ani nyè 7 :
jònkolònin kèle

nyè 8 :
dugu jukòrò ji

nyijuguya ma nyi

a bè fò ko walasa i ka mògò sôrô ka fèerè a
ma, f'i ka gèrè a la. nka, n'i ni mògò o mògò
y'aw kali nyògòn ye, n'i fèerè la o tigi ma, o ye
janfa de ye.

o b'i n'a fò komite militèrè mògò saba ka janfa
sirili, peresidan musa tarawele n'a jènyògòn nyu-
manw kama, feburuye kalo tile 28, san 1978 la.


o mògò saba ye jòn ani jòn ye ? o ye kisima
dukara, cèkòrò bagayòkò ani karimu danbele ye.
sôrô kòsòn, tògò kòsòn, kafa kòsòn, nin mògò
saba de sera k'a miiri k'u bè fanga ta mali kònò,
ka musa tarawele, baba jara, yusufu tarawele,
filifèn sisòkò, ani zozèfu mara faga.

a tò bè nyè 4 ani nyè 5 la

kibaru kanubagaw

kanubagaw

kibaru



kibaru

kuma yòrò

balikukalan kibaruya

samakò balikukalanso karamògòw, komite, dugutigi n'o nònaw, denmisènw, ani mògòkòròba wèrèw ye nyògànye kè. u ka nyògànye tun bè ko fila de kan.

fòlò kèra balikukalanso barili ye, ani a muni, ani sigilanw dilali. kalananso barili ni sigilanw dilali dira cè misènw ma. muni kalifara npogotigiw la.

cè misènw ye bògò nòoni, ka kalananso bari, i n'a fò, a jòlen kura don, ka tila, ka taa jiri tigè kungo kònò, ká na a kè sigilanw ye.

filanan kèra musow ka kalan koyè ye. u y'a jira ko muso kuntigiw de b'a daminè fòlò, ko o b'a to, kò fè taw dusukun bè a minè.

muso kuntigiw ko o man gèlèn. ni a danna o ma, muso tè to kò. u ko cè bè yòrò min, muso bè yen. o tuma na, fo n'a kèra bana ye. n'o tè, u bè taa kalan yòrò la.

an bè don min na, i ko bi, samakò kalananso falen bè, i ko da kònò nyin. bubakari kulubali bankumana

kalan ye nafaba don an ka dugu kònò : kalan kèra sababu ye, ka kèlèba datugu sikòrò ni sisina cè, kèle min ka kòrò denmisèn caman ye.

kèle ni tora ka ban pewu cèkòròbaw ni nyògòn cè. sira min tun datugura an ni nyògòn cè, o sira bèna shyèn dugu fila denmisènw fè.

yaya sakò
sikòrò

nyininkali

kamalen fila jèra terimusó kelen na.

kamalen kelen bè, su o su, a bè miliyòn saba di muso in ma.

kamalen dò, a ye dòròmè fila di muso ma su fòlò la. o dugujè, a ye dòròmè naani di. o fana dugujè, ka dòròmè segin di, ka taa a fè o cogo la : a mana min di su min na, o dugujè, a bè o nyògòn fila di.

u ma o dabila, fo ka kalo kelen dafa. jòn ka dilen cayara ni jòn ta ye ?

biji kulubali
wolojèdo

kuma kòròma

n'a fòra, i ka mure saba fa kè mure kelen kònò, u dun bè bonya a kelen ye.

o mure kelen kelen ka kan ka fa mun na, janko tò fila fa bè yèlèma kelen falen kònò, n'a tè bòn.

mama tarawele
ginyan

kun kòrò bè ban. nka, tulo kòrò tè ban. o kòrò ye mun ye ?

silamakan jalo
finyan

aliјènè ko diya ye mankutu ye. jahanama ko goya ye mankutu ye. denbatigiya diya ye kaman kòrò bò ye. makono konare buwajana

fèn saba bè dinyè kònò. mògò si tè o sòrò, n'i ma sègèn. o ye mun ye ? sabu mansa jalo golobilaji

jiri joli bè yon ni manden cè ?
bakaramògò ture
kenenkon

yèlèko

npogotigi saba tun bè baro la so kònò. mankan dò bòra u cèmancè la, u ma a tigi kelen dòn.

min bè da la, o ko : mògò ka bò, bo suma kana i faga.

filanan ko : i jò, mògò ka bò, nkalon kana da i la.

sabanan ko : i jò, mògò ka bò, ko bocibagaw bée bòra.

u jòn kelen ye bo ci ?
biji kulubali
wolojèdo

k u m a y ò r ò

nsiirin, umaru ani filen

nin san na, dugu in kònò, dumunifèn fosi tun tè yen. sènèkèla dò, ko umaru, o tun y'a ka nakò kònò namasa bée kari, ka a ka woso bée sen ka bò foro la, ka a ka jiginè kònò nyò bée furan, nyòmugu minw bë nòrò kolon ni kolonkalaw la, ka o bée nòn. fosi tè yen tugun.

kòngò tun bë umaru, n'a muso n'a den saba la. u bée tun fasara, bari ka tè u la tugun, u kònòw tun bë u dimi.

umaru taara kungo kònò, a bë taa nyanan nyini. a tèmèntò tu dò kérè fè, a y'a wele kan mèn. o tun ye kan sumalen ye, a ka di fana, a y'i jò, ka yòrò filè, k'i nyémada, ka taa a sòrò, filen dò bë nòn tu la. o y'i kanto a ma :

- nin nònìw bë ka ne sògò, ka ne wagasi. ne labò yan, n'k'i sara.

umaru tun t'a fè ka mèn filen bòli la, a b'a fè ka taa a ka nyanan sen na. a y'a bolo don nònìw cè ma, u b'a sògò, k'a puruti, k'a bolo joli bò. nka, a sera ka filen bò tu kònò.

filen k'a ma, a bòlen tu kònò :

- i ni ce, umaru. sisani, taa ni n'ye i ka so joona. n'bè sòrò, k'i sara.

umaru tun t'a fè ka segin a ka so, k'a sòrò, dumunifèn t'a bolo. nka, a y'a ta, ka segin so.

a muso n'a denw kèleñ ka a natò ye, u y'a nyininka :

- i bèna mun d'an ma; an k'o dun ? umaru ko :

- fosi. n'ma fosi sòrò filen lankolon kò.

denw binna kasi la. muso binna kulo la. sòni, filen ko umaru ma : - umaru, fèn o fèn ka d'i ye, ne bë se ka n'yèrè lafa o la.. e k'i ta kè fòli dama ye.

o la, umaru k'a ma :

- i yèrè lafa basi la.

o yòròin kelen, filen fàra basi la, fo a da la. basi dila cogo tun ka nyi, w'a tun ka di fana. umaru n'a muso n'a denw y'o dun. filen tilara k'i fa sogo ni malokini na, ani basi dò wèrè. du bée lajèlen y'a dun, k'a dun, k'a dun. u bée kònò falen tuma min na, umaru ko :

- a' kana nin fò mògò si ye. n'o tè, an ka filen bèna minè an na.

nka, umaru min tun y'o kòròfò fòbagà ye, o y'a fò a tònyògòn dò ye, o fana y'a fò dò nyè na, a fana y'a fò dò wèrè nyè na. kibaruya taara se fo faama ma.

faama ye nin dakabana filen ko mèn. a nana umaru ka so, ko o ka filen jira a la, n'a kò filen k'i fa sanu na, o b'o kè. a ko umaru ma : - e tè fosi nyini a fè, fò basi, sogo, malokini ? e ye nalonma ye, wa è man kan ni filen in marali ye. n'bè taa n'a ye faamaso la.

o ma diya umaru ye. nka, ale bë se ka mun kè faama n'a ka tamati-giw la ?

██████████

kòngò seginna ka umaru ni a ka denbaya minè. a taara kungo la, ko a bë taa nyanan nyini. a ye filen bò tu min kònò, a tèmèntò o kérè fè, a y'a wele kan mèn. o kumakan tun ka farin. a y'i jò, k'a yòròw lajè, ka i nyémada, ka taa a sòrò nònìw cè ma, fàra koorilenba dò bë yen, min bë yelenku, i n'a fò, wari. a bë k'i fofo a yèrè ma, i ko tawu.

umaru ko :

- è, è, fàra nyuman dèrè.

a y'o bò a da yòrò min, a y'a dasi umaru kun na : paa. fàra y'i pan, ka bò tu kònò, ka na umaru gosi :

- i n'a dòn ko ne tògò tè "fàra". ne tògò ye "bèlèkuruba". fèn o fèn ma-

n'a fò ko "fàra", n'b'o bée nyègan.

umaru ye a kunkolo kuru tereke, k'i kanto ko : nin bélèkuru ka jugu dè. nka, a ye fèrè sòrò. a ye fàra in ta, k'a meleke fini na. a n'a ka girinya bée, a taara n'a ye faama ka so. a ko a mago bë faama la. faama y'a bisimila :

- i nana i ka filen nò fè wa ? nka, ne b'a mara. a ye min di ne ma, olu filè.

sanu tonba tun bë faama ka so kònò. filen yèrè falen sigilen bë.

umaru k'a ma ko o tè :

- ne ma na n'ka filen nò fè. n'nana ni kabakofèn wèrè de ye tugun.

a ye fini bò fàra la. a bë yelenku, i n'a fò, wari. faama nyèsisilen y'a lajè, ko :

- fèn wèrè tè nin kò ? fàra ?

fàra y'i pan, k'a gosi faama nyèda kan. faama ku!ola :

- fàra jugu.

a y'a gosi a bonbon kan, fo a ku!ola :

- a' ye fàra in bò ne la.


a y'a gosi a nun kan, ka o kari. faama ka cèdènw bolila, ka na n'u ka tamaw ye. u kèlen ka fàra pantò ye, u kulola :

- è, fàra min bë pan a yèrè ma ?


fàra dimina ko kura, a ye i yèrè d'u bëe ma, k'u bugò. a b'u gosi u tèn kan, u sen kan, u bolo kan na, u kòw kan. a bë dòw bin, ka dòw faga. a ye caman bana, fo ka taa kè, mògò si ma sòrò, min bë umaru bali ka taa n'a ka filen ye a ka so.

nka, umaru bolila n'a ka du ye, ka taa yòrò wèrè. barisa, faama diminen ka jugu ka tèmèn kòngò kan.

seku tankara
kula



**tinyè de bè laban
dakan tè falen**



nyijuguya i dannaya minèn ka ka

o siratigè la u saba donna wèrèw fana kan, k'olu kunmayi u ka janfa la, komite mògò ke la, n'o ye sharili sanba sisòk bëna kè mali peresidan ye u bi ko ani musa tarawele n'a nd len'kò.

nka, olu mògò naani, an'u dèi joona, bawo, kèle tinyèna u ka don sigilen kase. kèle tinyèna u bée la, feburuye kalo 1978 kònò.

janfanti bè kòlòn o kòlòn sen, kana bin o kònò. o dé kéra karimu ani sharili laban cogo ye bagaw fana laban cogo ye, i nyinèna lahidukan kò, sòròdasiv ga ta, nowanburu tile 19, san 19

fanga fini bè minw kan na, walima zandaramu, n'olu sen b ka ca ni mògò 30 ye.

nafolo hakè min yera janfan kò, o ka ca ni miliyòn ba can sojðlenw kan, ani bolifènw, a s anuw ni fèn caman wèrèw.

nka peresidan musa tarawele naniya juguya bëna segin u yeri minw kafo nyògòn kan yuruguyun bë don jamadenw lafiya sira kan, ka kiri ka tigè.

ko daminènen don : a b'i n'a fò bin jalan na, bawo, mògò o mògò janfa in na, o tigi bè nyini, jèkul fè, komite la, k'o sègesègè, k'o fara a tòw kan.

fèn o fèn donnèn tè bi, o bëna bawo, jugu kun kelen, o ka fisa i mògò o mògò, n'e de y'i kali, kè bë mali nyémògòya kè ni jèleni ye, n'i m'o lahidu tiimè i bë ma tè janfa jamana ye.

minw minènen don bi, olu nyir kò : u nyinèna hòrònya kò, ka ny ani dugawu ani tògò min bë ma kònò ani dinyè fan tan ani naani

amad
kibaru

ma nyi an ka fa tuma bée

sòròdasi nyémogò
èlèma k'u sen don
len wèrè yera olu
ð ye, n'o de tun
olo, janfa nyalen
kan mògòw faga-

nèbagaw ma wuli
bolo sanni u yèrè
vèna, bawo, juru
tile 28 don, san

a yèrè de bë tila
kisima, cèkòrd,
e o kèra u dèmè-
n'a fò minw fana
kè tuma ka fan-
68 la..

sòròdasi, polisi
è janfa in na, o


ti ninw minènen
nan ye, k'o fara
ni forobaw, ani

y'a jira k'u ka
ma : u ye sòrò
ugu la, olu bée
, sanni u yèrèw


tasuma donnен
i n'o tun sen bë
u jònjòn sigilen
fana minè, k'o

dòn don dò la,
ni nyin jugu ye.
a lahidu ta, k'i
nya ani nògòya
lo, bawo, mali

vèna fèn caman
rinè danbe kò,
li la, farafinna
yèrè kònòd.
du ganyi kantè
silalaw kuntigi



**dinyè tè dòn ka ban
sabali kòrò ka di**



kabinè sisòkò ka maana:

ò, o silamakan arido, o de wulila,
ko a bè na i nyèda bakòrò ka monson fè segu,
ko daa ye masakè ye,
a y'a ko mèn, ale bè na bò daa monson ye.
ò, silamakan yòrò nalen na segu, n'a sera,
a ma se daa yòrò.
a nana ka na jigin muso kòrònin kelen kan segu-
kòrò.
u b'a fò ko. tèn jara.
o tun ye muso kòrònin ye,
a ye se ko la,
fèn bée b'a bolo.
dòlòjagola don, a bè di feere,
a ka di ka di.
o de tun bè kòròsen dila segu.
a ka kòròsen in sa, n'a y'a ka diji dila,
a bè kòròsen daga nin de ta,
a bè daaduru de kònò.
a bè daaduru nin ta, ka taa dugukolo sen,
k'a bila dugukolo kònò,
ka shè nyènama minè, k'o kan tònòmi,
k'o bila a ka dòlòji nin kònò,
k'a datugu tile saba.
n'a y'a bò, e cè o cè, n'i y'o min,
i ka kumakan duman ye faneni ye.
silamakan arido, o de ye
daa monson ka baramuso nyèba ko mèn segu,
ko daa monson jarabilen bè nyèba la,
ko nyèba ka di daa ye,
ko mògò kèmè fila ani mògò biduuru
tònjànw bilalen bè, u bè nyèba kòlòsi,
ko mògò tè se ka kuma nyèba fè abada,
daa monson b'i kun ta, k'a bò i kan la.
silamakan arido de ko,
a ko : nka, daa jamannen bè,
a ko : nka, daga bonya o bonya,
a ko : datugulan bè daga la dèrè.
a ko a ka pulòri ma,
a ko : n'bè daga datugu nin sen in.
daga mana bonya cogo o cogo,
datugulan bè daga in na.
n'bè daga datugu.

ò, a ye muso kòrònin in wele,
n'o ye tèn jara ye.
a y'o nyininka. a ko : e nin,
daa monson ka nyèba ko in bè cogo di ?
tèn ko a ma : n'ka dünankè,
e na kun ye nyèba ko ye wa ?
i na kun ye, ka na bò segu.
nyèba ko kuma dabila.

hali sisan, n'i taara,
i bè taa a sòrò,
cè kèmè fila ani cè biduuru ni nsirasèmè bè nyèba
da la segu.
nyèba ka di daa ye cogo min na,
kòlòsibagaw bè a la;
ò, silamakan ko tèn ma,
a ko : ni ala sònna a ma,
a ko : su in na,
ne ni nyèba bè baro kè fo a ka so cèmancè la.
ne ye n'kali, o bè kè abada.

o don, silamakan, yatawarata,
fulaw ko a ma : yatawarata,
o de tun ye tama ye.
tama in, jolow b'a la,
u ko o de ma ko : yatawarata.
o mugan ni fila bè silamakan bolo,
silamakan arido bolo.
ò, silamakan, a y'a ka pulòri nyininka.
a ko : pulòri, nin bè kè cogo di ?
pulòri ko :
silamakan, n'e ye min fò, o bè kè kè.
o y'a sòrò,
o fana ka moriw y'a baara kosèbè.
ò, silamakan, a ka baara kèra mun na ?
a kèra ngorongo finman de la.
a ka morikèw de ko a ma,
ko à ka taa ngorongo nyènama minè,
ka na ni ngorongo nyènama in ye,
ale bè ngorongo nyènama in baara.
a b'a bila nasi la,
a bè sèbèn don a da kòrò,
a b'a kala, k'o kè bagan ye,
k'a di silamakan arido ma.
bagan in, n'a b'a cè la,
mògò o mògò nyè dar'a kan,
a bè se i la.
bagan in, n'a ye a don a tugu la,
mògò o mògò nyè dar'a kan,
a bè se i la.
ka bagan in to a bolo,
nègè t'a minè,
a ka dulòki kan tè se ka minè abada.
ò, a ye o ngorongo de minè,
k'o di a ka morikè ma.
morikè in ye aladel k'a la,
k'a bila nasi la, ka sèbèn dila,
k'a don ngorongo in da kònò.
a y'a di a ka wolofaralaw ma.
garangew ye ngorongo tu, k'a kè bagan ye,
k'a di silamakan arido ma.

jònkoloni kèlè

hali bi, fulaw b'a dila, k'a don u kan na.
n'i y'a ye u bolo, kana gosi u la dè.
aladelì don,
fèn gansan tè.
o garan bè dila fulaw fè,
hali sini, moriw b'a dila.
o garan de tun bè silamakan arido bolo.

ò, silamakan de ko,
a ko a jatigimusò tèn ma,
a ko : tèn, taa n'ka foli fò¹
daa monson ka baramuso nyèba ye,
ko ne ko : n'b'a fè ka taa baro kè yen su in na.
tèn y'i tègè fila bila nyògòn kònò,
a ko : n'ka dunankè, sabali.
i ka di n'ye.
n't'a fè i ka faga.
i bòra so cogo min na, i ka don so ten,
o de ka di n'ye.
ni i sera hali daa monson ka bulon kònò,
ka nyèba tògò fò i da la,
tònjònw b'i kun ta, k'a bò i kan la.
è, a ko : jatigimusò, i bè siran wa ?
o ko : ne kan ka siran.
sabu la, kalifa ka gèlèn.
e bòra maasina, i nana jigin ne kan,
n'kan ka siran n'o yòrò ye.
a ko : wa, kana siran.
a ye i bolo da a ka jufa kònò.
jaa, sanu sirabara bè silamakan kun.
a ye sirabara dayèlè,
a ye tònòmi, kelen bò sanu na.
a ye sanu tònòmi bò,
a y'a ta, k'a di muso ma.
a ko : tèn, taa ka n'ka foli fò.
ni n'sara,
hali n'a ka di i ye, i ye se ka nin tò ta.
n'dun ye a dòn, n'tè sa abada.
ò, tèn jara ko : o tè baasi ye.

o wulila,
o nana,
ka na daa monson ka bulon wolonwula kònò,
ka taa i jò daa monson ka baramuso nyèba da la.
a ye nyèba fo.
nyèba y'a laminè.
a ko : tèn, don kè.
tèn donna.
è, a ko : nyèba,
ne bè ka kabako kuma mèn bi dè,
è, a ko : o de ye mun ye ?
a ko : dunankè dò bè ne ka so,

a nalen tile sabanan ye bi ye,
a ko a ye e de kò mèn,
a b'a fè ka na baro kè e nyèba fè.
nyèba fana, o y'i tègè fila ci nyògòn kònò.
a ko : tèn,
a ko : o tuma na, o dunankè bè sa wa ?
ne ka soda in,
mògò min bè se ka a fò i bè na baro kè ne fè
o ye kabako ye dèrè.
a ko : tèn, e dun ko cogo di ?
a ko : ne kònì, n'kònò ganna.
a ye a fò n'ye, n'banna.
a seginna ka a fò n'ye.
ò, n'y'a dòn sa. ne ko : n'bè na a ka ci fò.
ne ye min kè ka a jaabi.
ò, nyèba ko a ma : tèn, taa a fò a ye,
ko ni saya nege b'a la, ko a ka na.
ko ni balo yèrè nege b'a la, ko a kana na dè.
nka, ni saya nege b'a la, ko a bisimila,
ko so jò kun ye bèe ka don ye.
tèn de nana o la.
a ko : n'ka dunankè, hali bi, n'ye min fò i ye,
a b'o cogo la koyi.
nyèba ko ko n'ka na a fò i ye,
ko ni saya nege b'i la, ko i bisimila.
n'i b'a fè, i ka dò ye dinyè na,
ko i ka hakè to, i ka sabali.
n'o tè, i don ale ka so da fè, o ni i sa,
o bèe ye kelen ye.
nyèba ko n'ka na o fò i ye.
ò, a ko : jatigimusò, i ni ce, nin diyara n'ye.
a tò bè ne yèrè ni n'nì cè sa.
e kònì ye i ka baara kè.
aw ka a tò to ne yèrè ma sa.
u tora ten sa, fo su kora.
surafana dunnen na, mògòw da tuma bëna se,
silamakan arido wulila ni a ka yatawarata mugan
ni naani ye.
tamaden kisè mugan ni tan, o b'a bolo.
a ka sii kelen b'a disi la.
dikò.
a ko a ka pulòri ma, a ko :
e ka n'kònò yan, n'bè na sisán.
an ye kuma min fò, bi, n'bèna taa a lajè.
ni daa monson n'a ka cèdenw ye cè ye,
ne na a dòn.
nka, daga bonya o bonya, datugulan b'a la.
a ka pulòri ko :
o ye tinyè ye, silamakan dikò.
(a tò bè bò kibaru nataw kònò)

mali ani suwisi ka nyògòn sira taama

dugujukòrò ji

suwisi ye farajèjamanà dò ye. o jamana ciden dò nana mali la zuluye kalo tèmènnèn. a ni mali minisiri y'u bolo nò bila sèbèn dò la.

o sèbèn nyèsinnen bè mali dugu jukòrò ji konyè sabatili ma. a baara bè kè bugunin, yanfolila, ani kòlònjèba sèrikiliw kònò. a baara nyèsinnen ko naani ma :

- ka dugu mògòw nimisi wasa ji la.
- ka jiw saniya, walasa dugu mògòw bè to kènèya la.

- ka dò fara dònniya kan dugu jukòrò ji ko sirati-gè la.

- ká dò fara dugu jukòrò ji nyèci kan.

nin baara bè kè san wòorò kònò. suwisi b'i jò ni san saba fòlòw baara musakaw ye. a ka bolo madémè ye dòròmè miliyòn 200 ye. san wòorò in bèè kònò, mali ka kan ka dòròmè miliyòn 27 bò.

a fòra sèbèn kònò ko kòlòn 300 ka kan ka sen, ka jibò masin kè olu la.

suwisi ciden ko, ji ko bôlen kò yen, suwisi b'a fè ka mali dèmè ko caman na, i n'a fò, jiri ko, kènèya ko, kalan ko, ani bala ko.

mamadu nyama jara

